

Nehemiyaxi

Nehemiyaxi kemitiyunenewiekai yuteiterima wahetsiemieme

¹ 'Iki kanihikitini Nehemiyaxi kemiraka'utia Hakariyaxi nu'aya:

Hiki kitsireu metseriyaritsie xeitewiyari wi-yari 'anuyemiekaku, ne Tsutsa kiekariyaritsie ne'ukaiku,

² ne'iwa Kananihi mititewa kaninuani hipame teiteri Kura kiekatari warawititi. Hiki nekani-waruta'iwawiya kememite'aka'iyuniwakai huriyutsixi Wawiruniya memikaheyehapanie, meta Kerutsareme kemiraku'anekai.

³ Miki mipai mekaneteniuta'eiya: «Huriyutsixi Wawiruniya memikaheyehapanie waikawameki mepiteheka'eniwa meta mepeyutetewiya. Kerutsareme kuraruyari 'akuxi pe'uni naiti, 'itupari-yarite kanetaiyarietikani».

⁴ Mipai netiu'enaka, ne'utatsuati nekanayani, miixa tukari neninehiweriekaitini, nekaniunehakieni, meta neyunenewieti Kakaiyari muyuawitsie makawe newawirieti.

⁵ Mipai nekatinitahiawe:

«Yawé, Kakaiyari muyuawitsie pemakawe, pemimariwe pemayemakaxiwa, 'atiratu pemaye'atiwa, 'aixia pemitiuka'iyari memimatsinaki'erie wahetsie meta yamemitekahu kepemiti'aita wahetsiemieme,

⁶ nepimatsiwawirie waikawa keneneu'eni, kwi keneuxeiya ti'a'uximayatsiriwame 'ahetsia

mieme, tukariki tıkariki muyunenewie 'ixaher-itsixi 'ateiterima wahetsiemieme. Nepıtihekiata 'ixaheritsixi meta ne netıriyama wahetsiemieme, 'axatemite'uyuriki 'ahepaitsita.

⁷ Kemıkametinake tepite'uyuri meta yemeki 'axateputayuri, yatepıkatekaki 'aitsika hepaitsita pemitatsiyetuiiri mati'uximayatsiriwame Muitsexi ya'utainekaku.

⁸ »Kenaye'eri, waıkawa nepımatsiwawirie, Muitsexi kepemıtiutahiawixi: “Xika 'axaxete'uyurieni ne nepıxetaxiriexiani hipame nuiwarite watsata,

⁹ matsi xika nehetsia xe'u'axiani, yaxetekahuti yaxete'u'uwati kenemıti'aita tsepa hakewa xemehapanie kwiepa, mana nekanixehayewitimiki hakewa kwie nemanayexeitsie ne hakewa nemekanitsie nekanixe'atiamiki”.

¹⁰ »Miki mepi'ateiterima te'a'uximayatsiriwamete pemiwarutixinaxi peti'atuaka waıkawa mariweme petiyurieneti kepemititirikaiye.

¹¹ Yawé, nepımatsiwawirie keneu'eni tanenewieri, tepite'a'uximayatsiriwamete, pıtatsinake temetsihayexeianiki. Yaxeikiata nepımatsiwawirie 'iki ti'uximayatame 'ahetsia mieme 'aixia keneuyuri ti'aitame 'aixia mitixeyaki».

'Ana ti'aitame tekixieya hanitiwameya nepihıkitikai.

2

Nehemiyaxi Kerutsareme kaninuani

¹ Nitsani metseriyaritsie 'ari xeitewiyari wi-yari 'Aritakexiketsi ti'aitakaku, ti'aitame winu ne'uhanitiaku, miki meripaiti nenutuixiekame mikanetsixexeiyakaiki,

² mipai kanetiniuta'iwawiya:

—¿Titayarikuta petinutuixie? Wa'ati matsi pepikatikuye, xiari tixaiti pita kukwiniya pimatiyuriene.

Ne waikawa nepekamatiya

³ mipai nekatinita'eiya:

—Ti'aitame waikawa tukari pekepitariieka. ¿Titayarikuta nekatinutuixieka, panatsi kiekaritsie ne'ukiyarima memakateukie naiti kaheka'unarie meta 'ituparite naiti kahetata'i?

⁴ Ti'aitame mipai kanetiniuta'iwawiya:

—¿Kekuta netiyurieni 'ahetsiemieme?

Ne nepitawawiri Kaka'yari muyuawitsie makawe minetsiparewieniki,

⁵ mipai nekatinita'eiya:

—Ti'aitame xika metsinakeni, xika waikawa nematsiparewieka, nematsiwawirie Kura kwieyaritsie peminetsi'anuni'aniki para kiekari nemanukuketianiki ne'ukiyarima mematihetsie.

⁶ Ti'aitame mipai kanetiniuta'iwawiya, 'uka miti'aitame 'auriena 'utikaiku:

—¿Kekuta pereuyetere? ¿Kepauka kuta pepakunuani?

Kepauka yanemititaxatia ti'aitame yakatiniutanaki'erieni nemiyemieki.

⁷ Tawarita mipai netinitahiawe:

—Ti'aitame 'ahepaitsita xika 'aixia 'aneni, xapa keniwaranuni'airi kuwexinaruritsixi tau makayuyuipe hepatsie memitama wahetsia

haa 'Eupirate manuyekatsie, para heitserie
nemuyaniki Kura kwieyaritsie nemeta'aniki,

⁸ ximixi nematsiwawirie huku mi'iwiya
'Atsahapi mipai pemititahiaweki huku kiyeyari
minetsiminiki, tukita 'itupari nemeuwitiaxianiki,
meta kiekari kuraruyari hetsiemieme meta kiita
hakewa nemayekani hetsiemieme.

Ti'aitame yakatiniutanaki'erien
kenemirewawiriwakai, Kakaiyari
minetsiparewiekaiki.

⁹ Kepauka nemeta'a kuwexinaruritsixi tau
makayuyupike hepatsie 'Eupirate 'anutaiye
kiekatari wahetsia, xapa neniwarehuritiani
ti'aitame hetsia mieme. Metatsiere ti'aitame
mipai tiniuta'aitakaitini kename kuyaximama
kawayutsixi wahetsie memutei meta
memitewa'aitia menetsi'anuteitakekai.

¹⁰ Peru Tsamiwarati huruni tewiyari meta
Tuwiyaxi 'amuni tewiyari ti'uximayatame,
pikawarunakixi mipai mete'u'enanaka kename
xewiti nuakai 'ixaheritsixi wahetsie tanuanike.

Nehemiyaxi kuraru kemitiuxei

¹¹ Merikite haika tukari 'anukamiekaku Kerut-
sareme nenuaka,

¹² tikariki nekaniwayeyani hipame
teiteri newarawititi, peru xeimetima
'atsinepikarahiawekai Kakaiyari
keminetiku'iyaritwakai Kerutsareme hetsie
kenemitiyurienikekai. Xeime xeikia mura
tephanakai tatsiari ne nemanakatei.

¹³ Miki tikaritsie nepuwayetia Mayeweri
kitenieyaritsie nekaneuyehani, haixa Yawi
Mayu'eriya mititewa matiniere hepatsie

meta Xatsi kitenieyari manuwietisie hepatsie. Kerutsareme kuraruyari nekaniuxeiya mu'uni meta 'itupariyarite naiti mixixiwi.

¹⁴ Nekaneyanita Haixata kitenieyari hepatsie meta haa mayema Ti'aitame hetsiemieme, peru huye nepika'ukaxei ne'anakaiti muwa nemeutahanikekai.

¹⁵ Hiki 'uyiwikaku 'akuxi 'aki'utima nekaneutayune kuraru ne'uxeiyarimeti. 'Imatirieka nekanakunuani Mayeweri kitenieyaritsie nekaneutahani.

¹⁶ Kuwexinaruritsixi 'atsimepikatehetima hakewa nemanutia meta kenemirekuyuri, 'ana 'akuxi nixeime huriyu tewiyari mipai nepikatitahiawiwakai: mawari wewiwame tima, 'ukirawetsixi meta, nitima kuwexinaruritsixi meta kemi'ane memiteta'uximayatakekai.

¹⁷ 'Ayumieme mipai nepitiwarutahiawixi:

—Xeme xemunenierixi xepihiki ketemu'itiarie. Kerutsareme pu'uni, 'itupariyari paxixiwi taiki. Hikimitika, xekeneuyuwairiya. Kerutsareme kuraruyari 'aixia tepuyurieni para hipatiri tawarita memikatatsinanaimakaki.

¹⁸ Hiki nekatiniwarutaxatiani Kakaiyari keminetiparewiekai, yanekaniutayini ti'aitame kemainekai. Miyamete'u'enanaka mipai mekaniutiyuani:

—Hikimitika tekatenita'uximayatakuni.

Kememutiyua yamekateniuyurieni.

¹⁹ Kepauka yamemitehetima Tsamiwarati huruni tewiyari, Tuwiyaxi 'amuni tewiyari ti'aitame parewiwameya meta Ketseni 'arawe tewiyari

waikawa mekataninanaimakaitini metatsix-
ani'erieti mipai metateniku'iwwiyakaitini:

—Neuxei, ¿kexeteyurie? ¿Kamitsi ti'aitame
kemikatinake xeteyurie?

²⁰ Ne mipai netiniwaruta'eiya:

—Kakaiyari muyuawitsie makawe katani-
parewimiki. Tame te'i'uximayatsiriwamete,
tepi katsutiani kiekari 'aixia temukuyurieniki.
Xeme 'ena xepika'itsikate, xepikayiwawe 'ena
xemuyeniukaniki, Kerutsaremetsie kemitiyi
xepikate'akumate.

3

Kememite'itsutia mete'uximayati

¹ Hiki 'Eriyatsiwi mawari wewiwamete
tiwa'aitiwame meta 'iwamama mawari
wewiwamete yunaiti meteniuta'uximayata
kitenie 'aixia mekaniuyurieni Muxatsi
Memanutahake mititewa. 'Aixia mekaniyurieni
kemirekuwewiyakai, 'itupariyari meka-
neuwitaxiani, yaxeikiata kuraru 'aixia
mekaniuyurieni Xeitsienituyari Tuxiyuyari
mititewa manuwe me'itsutiaka Tuxiyu Kananeri
mititewa manuwe ye'akame.

² Manata memitsutia teiteri Keriku kiekatari
'aixia mekaniyurieni, Tsakuxi 'Imiri nu'aya man-
ata kaniyetsutiani.

³ Tsapari wakitenieyari mititewa 'aixia
mekaniyurieni Tsena nuiwarimama. Kiyexi
mekananuyetuan meta 'itupari mekaneuwieni
kitenie, reunarimikeme kiyexi heuku'uweme.

⁴ Manata mitsutia kuraru 'aixia muyuri Meremuti katiniuyurieni, 'Uriyaxi nu'aya Kuhutsi teukarieya, manata menumia Metsurani katiniuyurieni, Werekinyaxi nu'aya Metsetsaweri teukarieya. Manata menumia Tsaruki katiniuyurieni Wanaha nu'aya.

⁵ Tekuha kiekatarita 'aixia mekaniyurieni kuraru miyuhayewanekai, tsepa wa'ukiyarima memikawaruparewi memite'aitakai.

⁶ Kitenie Ketsana mititewa 'aixia mekaniyurieni Kuyara Patsehaki nu'aya meta Metsurani Wetsuriyaxi nu'aya matia. Kiyexi mekananuyet-uani meta 'itupari mekaneuwieni kitenie, re-unarimikeme meta kiyexi heuku'uweme.

⁷ Manata kuraru 'aixia memuyuri Meratinyaxi kawahunitanaka, Karuni merunutitanaka mekatenuyurieni. Miki mekaniwarutinini Kawahuni kiekatari meta Mitsipa kiekatari, kuwexinaruri mitiwa'aitia mepihikitikai tau makayuyuipe hepatsie haa 'Eupirate 'anutaieye kiekame.

⁸ 'Utsiheri pirataki ti'uximayatame Karahiyaxi nu'aya mana kanenumiani kuraru 'aixia kuyuruwati, manata xewiti witsimitiu'atika wewiwame nenumiani Kananiyaxi titewati. Miki meyuhutati 'aixia mekaniyurieni Kerutsareme kuraruyari naima kuraru 'Amatayewa manuyeka ye'akame.

⁹ Manata kanenumiani 'aixia 'ikuyuruwati Xepahiyaxi Kuxi nu'aya, miki pukuwexinaruritikai mana hixiapa 'akame Kerutsareme hetsiemieme,

¹⁰ manata kanenumiani Kerahiyaxi Karumaha nu'aya, kiiya hixie miyekatei, manata kanenumiani Katuxi Katsawiniyaxi nu'aya.

¹¹ Manata Marikiyaxi Karini nu'aya meta Katsuwu Pakati-Muhawi nu'aya 'aixia mekaniyurieni kuraru meta tuxiyu Huxunu mititewa.

¹² Manata Tsaruni Haruketsi nu'aya, mukuwexinaruritikai hixiapa 'akame Kerutsareme hetsie, kuraru 'aixia kaniuyurieni niwemama 'ukari me'iparewiekaku.

¹³ Mayeweri kitenieyari 'aixia kaniuyurieni Kanuni meta Tsanuha kiekatari, 'itupari mekanewwieni kitenie, reunarimikeme meta kiyexi heuku'uweme. Metatsiere kuraru 'aixia mekaniuyurieni 'auxiwi tsienituyari meturuyari* tewime 'atsita Xatsi kitenieyari paiti 'u'akame.

¹⁴ Marikiyaxi Xekawi nu'aya, Weti-Hakereni kwieyaritsie mukuwexinaruritikai, 'aixia kaniyurieni Xatsi kitenieyari, 'itupari kaneuwieni kitenie, reunarimikeme meta kiyexi heuku'uweme.

¹⁵ Tsaruni Kurikutse nu'aya, kuwexinaruri Mitsipa hetsiemieme, 'aixia kaniyurieni Haixata kitenieyari, kanenukitiani, 'itupari kaneuwieni kitenie 'aixia reunarimikeme meta kiyexi heuku'uweme. Metatsiere kuraru 'aixia kaniuyurieni haa mayema Tsiruhe kuraruyari, ti'aitame harawerieya 'aurie muyehane, 'atsita

* **3:13 3:13** RV60 *paine xeimiriya tsikuriya tewime.*

huye tete 'imimiyari 'amatayewa manutihane Rawiri kiekariena meutiyune.

¹⁶ Nehemiyaxi 'Atsiwuki nu'aya, Wet-suxi kiekariyaritsie hixiapa 'akametsie mikuwexinaruritikai, kuraru 'aixia kaniuyurieni Rawiri wateukiyapa wahixie muyehane, meta 'atsita haa mayema meta kuyaxi waki manuwe muyehane paiti.

¹⁷ Manata 'aixia mekaniyurieni rewitsixi meta Xekuni Wanihi nu'aya. Manata Katsawiyaxi 'aixia kaniyurieni Kehira kiekariyari hixiata 'akametsie mikuwexinaruritikai, katiniuta'uximayata kuraru 'aixia yurieneti yukiekari hetsiemieme.

¹⁸ Manata mekanitsutiani 'iwamama: Wawahi Henarari nu'aya, Kehira kiekariyari hixiapa 'akametsie kuwexinaruri mihiki,

¹⁹ meta 'Etsexi Ketsuha nu'aya, mukuwexinaruri Mitsipa kiekariyaritsie, kuraru 'aixia kaniuyurieni 'itsikina kii kuyaxa timieme mitiuyepine manuwebsie mutihane.

²⁰ Manata mikatsutia mutatsikuritsie 'atsita mawari wewiwamete tiwa'aitiwame 'Eriyatsiwi kitenienatsie 'u'akame, 'aixia kaniyurieni Waruki Tsawahi nu'aya waikawa yuwairiyati.

²¹ Manata mikatsutia 'Eriyatsiwi kitenietsie 'atsita naime kiiya manu'axe, 'aixia kaniyurieni Meremuti 'Uriyaxi nu'aya Kuhutsi teukarieya.

²² Manata memenimia mawari wewiwamete mekatenuyurieni kiekari 'aurie memetetikatei.

²³ Wenikamini Katsuwi matia 'aixia mekaniyurieni kuraru wakite hixie muyehane kai. 'Atsariyaxi, Matsehiyaxi nu'aya 'Ananiyaxi teukarieya, 'aixia kaniyurieni kuraru

kiiya hixie muyeka.

²⁴ Winuhi Henarari nu'aya 'aixia kaniyurieni kuraru 'Atsariyaxi kiiya manuwe 'itsutiaka 'atsita tsikuritanatsie, tatsiari mutitunitsie.

²⁵ Parari 'Utsahi nu'aya 'aixia kaniyurieni kuraru 'itsutiaka mutitunitsie, tuxiyu 'amutewi manuwe hixie miti'ane paratsiyu manuwe, kuyaxi watakwa 'aurie. Manata kanenumiani Perahiyaxi, Parutsi nu'aya.

²⁶ Tuki manuwe te'uximayatamete 'Uperi kiekatari, kuraru 'aixia mekaniuyurieni tau manatineika Haa kitenieyari hixie muyeka meta tuxiyu 'amutewi mana muwe 'aixia mekaniuyurieni.

²⁷ Tekuha kiekatari kuraru 'aixia mekaniuyurieni tuxiyu 'amutewi manuwe hixie me'itsutiaka 'atsita 'Uperi kuraruyari manuyekatsie paiti.

²⁸ Mawari wewiwamete yuxexuiti kuraru 'aixia mekaniuyuriexiani yukii hixie muyekatsie Kawayutsixi wakitenietsie me'itsutiaka.

²⁹ Manata kanenumiani 'aixia 'iyurieti Tsaruki 'Imexi nu'aya, kiiya hixie muyekateiki. Manata 'aixia kaniyurieni Tsemahiyaxi Tsekaniyaxi nu'aya, tihiweme mihikitikai kitenie Tau Manatineika mititewatsie.

³⁰ Manata Kananiyaxi Tseremiyaxi nu'aya, meta Kanuni 'ataxewirieka mieme Tsarape nu'aya, mikita kuraru yatewime 'aixia mekaniuyurieni. Metsurani Werekiyaxi nu'aya manata kanenumiani 'aixia kaniyurieni, kiiya hixie muyekatei.

³¹ Marikiyaxi p̄ratak̄i ti'uximayatame, kuraru 'aixia kaniuyurieni tukita te'uximayatamete wakie miye'axe meta tetuayamete wakie miye'axe, Memati'iwawiyariwa kitenieyari hixie meta 'atsita kuyaxi tehiwemete mematiteitsie paiti.

³² Manata 'atsita Muxatsi wakitenie 'u'akame 'aixia mekaniyurieni p̄ratak̄i te'uximayatamete meta tetuayamete.

4

Mete'uximayati kememite'u'uximatiarie

¹ Kepauka Tsamiwarati yamiretima kename kuraru 'amatayewa tehekwatiatiwekai, miki pika'inakixi waikawameki, hiki huriyutsixi kaniwananaimakaitini yuniukiki.

² Yu'iwama meta kuyaxi Tsamariya kiekatari wahixie mipai kaniutayini:

—¿Kemeteyurie kuta 'iki huriyutsixi haweri memi'anene? ¿Mipai meteyumatekuta kename mepitiarieni 'aixia memiyurieniki, tawarita memitsutianiki metemawatiweti? ¿Xeitukari kuta me'ininike meteyu'erie? ¿Miki kuta tetexi mitata'iki meta kii 'unimeyariki tihekwame metetawewienike meteyu'erie?

³ Tuwiyaxi 'amuni tewiyari, hamatiana muyeikakai mipaita miki kaniutayini:

—Miki kurarutsie xika kauxai 'anutiyani naiti kanika'unimiki.

⁴ Ayumieme mipai tepite'uyunenewi:
«Takakaiyari pemihiki, keniwaru'eni,
kememitatenanaima yuniukiki.

Yaketineuyuri 'axa'anemekî kememutiyuane wahetsie pîta mitinakekî:

memîwaraye'unie wahetsia keniwayetua,
memanutaxîriyanikî xeime kwieyaritsie.

⁵ Ke'axamemutiyua pepîkatiwareuyehîwirieka,
'axakememite'uyuri pepîkaratîtimaiyani,
'axamemîtewakîhîawekî kemî'ane kuraru
'aixia memuyurie».

⁶ Merikîte teniyeweyakaitîni tete'uximayati,
hikî kuraru tehekwariyati hixîapa teniuti'axîani
kemeutitewakai teiteri meyuwairiyati
memite'uta'uximayataxikî.

⁷ Peru kepauka Tsamîwarati meta Tuwiyaxi,
metatsiere 'arawetsixi, 'amunitsixi meta 'Atsiruri
kiekatari yamemîtehetima kenameri 'ari
manaye'u'unikaitsie ranunarixîaximekai, 'ana
waikawa mekaniuyeha'ani,

⁸ hikî mekateniutixata Kerutsareme
memîtamienikî waikawa memîwa'uximatîanikî.

⁹ Hikî 'ayumieme teniyunenewiekaitîni
takakîyari tewawirietî, meta teniwaru'uitîani
yîwikîta meta hekîta tehiwemete mipai
temîteyutahîkaki.

¹⁰ Hikî teiteri Kura kwieyaritsie kiekatari mipai
mekaniutiuyanekaitîni:

«Tetexi tikimete mepu'u'uxeri,
kaniwaikawanitsî muka'unixî,
tepiKayîwekaxîani

'aixia temiyurienikî 'ikî kuraru 'amatayewa».

¹¹ Memitatsî'aye'unieta mipai mekaniu-
tiyanekaitîni: «'Atsimekatemaikaku wahetsia
tepiye'axîani temîwakwinikî, mipai teteyurieyu
'ana 'uximayatsika pîhayewarieni».

12 Hipati huriyutsixi miki wa'aurie memeutitekai yamekateniuta'axekaitini mipai me'utiyuati: «Mepixetakwini tsepa hakewa memakanexia».

13 Hiki 'ana teiteri nekaniwaru'uitiani 'axeikia 'iwamarixi, 'ixipara me'u'ikame, tupi meta 'iri 'amititi, kuraru warita hakewa manayeyeyikitikateitsie.

14 Hiki miki 'aixia netiuyuriekari, mipai nekatiniwarutahiawe 'ukirawetsixi meta kuwexinaruritsixi, metatsiere teiteri yunaime: «Xepikawamakaxeni. Ti'aitame xekena'eriwani, mimariwe mimakaxiwa, xekeneuyutakuya yu'iwama wahetsie xenuati, yuniwema wahetsie, yu'itama meta yukii hetsie xenuati».

15 Kepauka memitatsi'aye'unie memitehetima kename yatetemaikai kememiteku'eriwakai meta kename Kakaiyari mipai memiteyurieniki kawarupitia, tekaniu'axiani temakurarutatiwe taxexuiti ta'uximayatsikatsie.

16 Mana mitiyehane hixiata me'ati neteiterima meteni'uximayakaitini, hipatita mekatenitahikaitini 'ixipara me'u'iti meta pitsika, tupi, memiyukunarima meta kuyaxi wakamixa me'anakatitikaiti. Memanuyetei mekaniwaparewiekaitini yunaime Kura kwieyaritsie kiekatari.

17 Kuraru 'aixia memuyuriekai meta memitetuatiwekai, mepiyu'iwiyakai mete'uximayati kapa me'utakwi'iwaki.

18 Yunaiti memite'uximayakai kuraru 'aixia memiyuriekai yu'ixipara

mekanakawitiatikateitini. Ne'aurie kaniuti-wekaitini kuxineta makwe'e yiki xika tiuyini tatsihiwiwame.

¹⁹ Ne mipai nekatiniwarahiawekaitini 'ukirawetsixi meta kuwexinaruritsixi, meta yunaima teiteri: «Ta'uximayatsika piwaikawa yemeki, tameta 'ateewa tepu'u kurarutsie.

²⁰ 'Ayumieme, xika te'utakwi'iwa, kuxineta xepe'enieni, 'ana xeiya xekenahu tahetsia. Takakaiyari kaniyutamiemiki tahetsiemieme».

²¹ Hiki, 'amitikatare 'atsita taikai yiwikita xurawetsixi meyuhekiareyu, hixiata me'ati teiteri metenitahikaitini pitsika me'u'iti kapa te'utakwi'iwaki, mexi hipati tete'uximayakai.

²² Miki tukaritsie teiteri mipai nekatiniwarutahiawe: «Yunaiti xeme meta teparewiwamete, Kerutsaremetsie xekeneyukuhayeikawani tikariki xemite'utahiweniki, tukarikita xemite'uta'uximayataniki».

²³ Ne meta ne'iwama meta memitatsiparewiekai, meta meminetsikihitiwekai, tepika'uyuti'ixurikiapiwakai: teyuxexuiti tame yatepityuha'aritiakai te'utakwi'iwaki.

5

Nehemiyaxi tixaiti memikateheuxeiya wahetsie kemitiutanua

¹ Hiki 'Ukitsi meta 'ukarawetsixi mana kiekatari mipai mekateniwarutahiawe yu'iwama huriyut-sixi tirikaiyemeki,

² hipati mipai memutiyuanekaiki: «Xika tewaruti'iniata taniwema 'ukitsi meta 'ukari tekanitamireniri. Waikawa tiriku tekaneuyehiaka temiwikwekaki».

³ Hipatita mipai mepiteha'akai: «Tiriku tekuwautiweti temikakwiniki haakaki, takwie tekaniutuani temati'etsatsie, ta'iteirite meta takiite».

⁴ Hipatitatsiere mipai mekaniutiyuanekaitini: «Takwie hetsiemieme tumini tepuwaye'ii meta kaxie haraweriyaritsie mieme, mipai temite'ipitianiki ti'aitame kemitatiwawirie.

⁵ Tsepa tame 'iwamarixi temihiki, taniwema meta waniwema yaxeikia memi'anene, tameri taniwema 'ukitsi 'ukari tekaniwarutuani hipame wairiyarika memitewa'uximayatsiriekaki. Mekanixuaweni taniwema 'ukari wairiyarika mete'uximayati, tepikayiwawe temiteyutuaniki wahetsiemieme mexixinime temiwarayeitianiki, tixaiti temikatehexeiyakiri, takwie meta takaxie haraweriyarite hipati pitiwapiiniri».

⁶ Kepauka nemiwaru'eni mipai me'utiyuaneme, waikawa nekaniuyeha'ani.

⁷ 'Arike waikawa neheitimaixiaka, neniwarutateni 'ukirawetsixi meta kuwexinaruritsixi:

—'Aixia pika'ane yu'iwama tumini xewaniitiatixemiwawawirieka xete'ana'iwakameki.

Hiki yunaime nekaniwaruta'inieni memiyukuxeirieniki wahetsiemieme,

⁸ mana mipai nekatiniwarutahiawe:

—Wairiyarika teyupitiatia, ta'iwama tepiwarutawikweitsitia huriyutsixi memutuiyakai hipame nuiwarite wahetsia. Hikita xeme yu'iwama xetewatua, panatsi tame tekawarutawikweitsitia.

'Ana yunaiti kayuwati mekaniutamare, mepikayiwawekai yiki memitiyuani.

⁹ Mipaita nekaniutayini:

—Kexemiteyurie miki 'aixia pika'ane. ǃMatsi kareuyewetse Kakaiyari hixie 'aixia xemiteyurieka, para temikateyutewiniakaki hipame nuiwarite wahixie, memitatsi'aye'unie?

¹⁰ Ne, ne'iwama meta nete'uximayatsiriwamete, tepiwaniitia tumini meta tiriku. Peru hikiri tepitehayewa tetewawawirieti hanamakameki.

¹¹ Ne waikawameki nepixewawirie wakwie xemiwayetuirieniki, wakaxie haraweriyari, huriwu haraweriyari meta waki, metatsiere xeitsienituyaritsie mieme xeime pirata meta tiriku, winu, hatseiti wairiyarika xemiwawawirieka.

¹² Miki mipai mekaniutiyuani:

—'Aixia pi'ane, kepemaine naimeki yatepiteyurieni. Tinaime tepitewayetuirieni, nitixaiti tekatewawawirieti.

Hiki mawari wewiwamete nekaniwaruta'inieni miki wahixie yamemitiyuaniki kename yametekakine.

¹³ Hiki nekamixa 'amitewi ne'utakatseka mipai nekaniutayini:

—Kakaiyari mipai ketikatsa meta yukie kehayeweyarieni naime tita mirexeiya ketiunawaiyarieni kemi'ane yamikatikayani. Mipai ketikatsa Kakaiyari, tixai karexeiyakame ke'ayeitiani.

Yunaiti teiteri memiyuxeirikai mipai mekaniutiyuani:

—Mipai ketiinyini.

Hiki Yawé hepaitsita 'aixia mekaniutiyuani, meta teiteri yamekatenikakine kememutiyua.

¹⁴ Xetewiyari wiyari 'Aritakexiketsi ti'aitakaku, kepauka nemutahiawarie Kura

kwieyaritsie kuwexinaruri nemihikitiniki, 'atsita xeitewiyari heimana tamamata heimana huta wiyaritsie, tatsiari, tamamata heimana huta wiyari, ne'iwama meta ne nekuwexinarurititi kenemitiwaukakekai tepikate'utawau.

¹⁵ Peru meripaiti memanuka'ukai 'ana mekaniwawiyakaitini waikawa teiteri, tukariki yameteniwawawiriekaitini 'ikwai meta winu huta tewiyari pirata tuminiyariki raye'akame. Metatsiere tewa'uximayatsiriwamete teiteri wairiyarika meteniwa'aitiakaitini. Ne hawaiki mipai nepikatiuyuri Kakaiyari nemakati.

¹⁶ Matsi ne meta nete'uximayatsiriwamete tepite'uta'uximayataxi, kuraru 'aixia tepuyuriekai tixaiti kwie tepikate'unanai.

¹⁷ Nemexatsie xeitsienituyari heimana huta tewiyari heimana tamamata mekateniutikwa'akaitini, huriyutsixi meta nehamatia memitehiritiariiekai, tekawa'iniatati hipame kwieyaritsie memaneikakai.

¹⁸ Xeitukaritsie tepita'iniiaritiakai mitikawewiyaniki ta'ikwai, xewiti tuuru, meyu'ataxewiti muxatsi, yayupaimetita wakanari, tamamata tukari 'anukayeikakakuta winu waikawati ni'atiariwakaitini. Peru hatsuaku nepikatiutawau nekuwexinarurititi kenemitiwaukakekai, teiteri waikawa memite'uka'eniwakaiki.

¹⁹ Nekakaiyari, kenena'eriwani, naime kenemitiuyuri 'iki teiteri wahetsiemieme, 'aixia keneneyurieka.

*Tawarita memiwaraye'unie ke-
memitewaru'uximatia*

¹ Tsamiwarati, Tuwiyaxi, Ketseni 'arawe tewiyari meta yunaiti memitatsi'aye'unie, meteneti-mani kename ne kuraru ne'anukuketiakai meta kenameri naiti 'akanirietikatei (peru 'akuxi 'itu-pari pikaheuwitikatei).

² Hiki Tsamiwarati meta Ketseni 'iki niuki mekaneneyeni'airieni: «'Ahamatia tepitakuxeirieni xeime 'Unuhu kiekariyaritsie mayeweri». Yuriki kememineteni'airietiwekai menetekwinitiakuti xeikia mekaniu-tiuanekaitini.

³ 'Ayumieme mipai netiniwareni'airieni: «Matsi tukari nepikahexeiya waikawameki nepiti'uximaya, nepikayiwe nemeuyani. Ne xika neheuyani 'aixia pikayini 'uximayatsika piranukaweni».

⁴ Naukakia menetenetani'airieni, peru yaxeikia netiniwaku'eiyakaitini.

⁵ 'Auxiwirieka mipai Tsamiwarati kanetineyeni'airieni, xeime 'iparewiwame 'utima, yaxeikia reku'ukame xapa 'anutiye piekame,

⁶ mipai katine'ukaitini:

«Mipai pitiutaine teiteri mipai meputiyuane, Ketseni yaxeikia paine, kename 'eki meta huriyutsixi kuraru 'aixia xeheyurie mipai xeteku'eriwati yuxaita xeteyuta'aitianike. Mipai nepitiu'enakare kename 'eki ti'aitame peyeimiki,

⁷ kename texaxatamete pewaretihawixi para ti'aitame Kerutsaremetsie memimatsi'ayeitianiki,

mipai memitiyuaniki: “Kura kwieyaritsie ti'aitame tepexeiya”. 'Ayumieme kenamie miki hepaitsita temitetaxataki, mexi 'akuxi ti'aitame karetamariwe miki hepaitsita».

⁸ Neta mipai nepireini'airi: «Kepemaine yuriki pepikahetaine. Naiti 'iki kepemaine peheiwewieti pepetaine».

⁹ Yuriki, metatsimariutati xeikia mekanu-tiyuanekaitini. Temitehayewaki temika'ininiki ta'uximayatsika.

«Hiki, Ti'aitame, kenenetirikariyani nemiyeweianiki neti'uximayati».

¹⁰ Hiki ne Tsemahiyaxi kie nekaneyani, Rerahiyaxi nu'aya Mehitaweri teukarieya, yukiita kanayekateitini reunatikaiti. Miki mipai kanetiniutahiawe:

«Tepitakuxeirieni Kakaïyari kiita
teteheunatikaiti,
tukita 'upaiti,

mekanayenexiakuni mematsimienike.

Huu, 'iki tikariyaritsie pepimierieni».

¹¹ Peru ne mipai nekatinitahiawe:

—Ne nepikahiki memiyu'una. 'Ukitsi nehapai memi'anene mepikayu'awiweta tukita yutukari memitawikweitsitianiki. Ne nepikaneti'awiweta.

¹² Mipai nepiretima Kakaïyari pikaheiyeni'akai, matsi Tsamiwarati meta Tuwiyaxi mepite'ipitiakai para mipai mitiyurieniki.

¹³ Puyuritikai, mepite'ipitiakai
minetsitimariutaki, 'axanemitiyurieniki

ne'i'enietɪ niukitana. 'Anata 'axamemɪtiyuaniki
nehepaitsita kename heitserie yanekatikamie.

14 «Nekakaiyari, kena'eriwani ke-
meminetsiyuriki Tsamiwarati meta Tuwiyaxi.
Yaxeikia kena'eriwani 'ukaratsi 'aniukame
muyuxata Nuhariyaxi meta hipati 'aniukamete
memuyuxata meminetsitimariutakekai».

Kuraru kemitiunɪrie 'aixia 'itiarieneti

15 Kuraru 'amatayewa niɪnɪre 'eruri
metseriyaritsie xeitewiyari heimana 'auxɪwi
tukariyaritsie. 'Aixia me'iyurietiweti
mekaniuyurieni huta tewiyari heimana
tamamata heimana huta tukari.

16 Kepauka memɪtatsi'aye'unie
memite'utamari, nuiwarite ta'aurie hurawatari
mekaniutimamani meta mekaniyutitetewiya,
mɪpai memitehetimaki kename Kakaiyari
tatsiparewiekaku xeikia tete'uyuri.

17 Naime miki tukaritsie Kura kwieyaritsie
kiekatari 'ukirawetsixi Tuwiyaxi matia
mekaniyu'eniekaitini,

18 'ana yumɪretɪ Kura teɪteriyari
mekaninikaitini Tsekaniyaxi mumunieyatikaiki
'Araki nu'aya, meta nu'aya Kuhanahani
Metsurani mumunieyatikaiki Werekaniyaxi nu'aya.

19 Nehixie Tuwiyaxi 'aixia metenikuxatakaitini,
peru 'arike naime metenikuxaxatiwakaitini ne
kenemutainekai. 'Ayumieme Tuwiyaxi, xapaki
kanenimariutamikikaitini.

7

Kerutsareme kememɪteta'ɪwiya

¹ Kepauka kuraru munirie 'itupari meuwitiarie kitenie, mekaniutihawarieni kitenie tehiwemete, kwikamete meta rewitsixi.

² Ne'iwa Kananihi, miki tewi yamitikamie Kakaiyari mayemakaxe mihikitikai, Kerutsareme nenihiritiani Kananiyaxi mame kuyaxi tiwa'aitiwame mihiki miki kiekariyaritsie.

³ Yuhutame mipai nekatiniwarutahiawe: «Kerutsareme kitenieyaritetsie kepauka tau manatinenitsie katineuyepierikemiki, pireunarimikenita taikai tehiwemete mekahekiniwawekaku 'akuxi, hiki kiyexi mekaneu'uitiakuni. Meta Kerutsareme kiekatari mekaniwa'uitiakuni tehiwemete, hipati mepitetahini kememite'uku'utikika hipatita yukie hixie».

⁴ Kiekari yemeki 'akaniyeukaitini, peru teiteri mana kiekatari mepikayumiirekai, naiti kii 'aixia mika'itietikateiki.

Kememitehaka'utsie memakunuaxia

⁵ Kakaiyari mipai kanetiniuyuitiani ne'iyaritsie nemiwakuxerieniki memanuyetei 'ukirawetsixi, hipati ti'aitame parewiwametemama meta yunaime teiteri, nemiwaraka'utianiki kemi'ane nuiwaritsie memimiemetetikai, meta xapa nekaniutaxeiya kememite'ununuiwaxi memaye'uxa matari memu'axiakai. Mana mipai katine'ukaitini:

⁶ 'Iki xapa kanihikitini Kura kwieyaritsie kiekatari, tatsiari, Nawukurunutsuxi Wawiruniya kwieyaritsie ti'aitame miwarehapakai, memepituarie memakunuaxianiki Kerutsareme meta

Kura kwieyaritsie. Yuxexuiti yukiekaritsie
mekanakunuaxiani,

⁷ mekaniwa'atiani Tsuruwaweri, Ketsuha,
Nehemiyaxi, 'Atsariyaxi, Xahamiyaxi, Nakamani,
Maxirukeyu, Wiritsani, Mitsipereti, Wihiwahi,
Nehumi meta Wanaha.

'Iki mekanihikitini 'ixaheritsixi memakunuaxia
waxapayari:

8	Parutsi nuiwarimama
9	Tsepatiyaxi nuiwarimama
10	'Araki nuiwarimama
11	Pakata-Muhawi nuiwarimama, tatsiari, Ketsuha meta Kuha
12	'Erami nuiwarimama
13	Tsatuhu nuiwarimama
14	Tsakahi nuiwarimama
15	Winuhi nuiwarimama
16	Wewahi nuiwarimama
17	'Atsikari nuiwarimama
18	'Arunikani nuiwarimama
19	Wihiwahi nuiwarimama
20	'Arini nuiwarimama
21	'Atexi nuiwarimama, tatsiari, 'Etsekiyaxi nuiwarimama
22	Katsumi nuiwarimama
23	Wetsahi nuiwarimama
24	Karipi nuiwarimama
25	Kawahuni nuiwarimama
26	Werani meta Netupa kiekatari
27	'Anatuti kiekatari
28	Weti-'Atsimaweti kiekatari
29	Kiriati-Yeharini, Kapira meta Weruti kiekatari
30	Xama meta Kehewa kiekatari
31	Mikimatsi kiekatari
32	Weteri meta 'Ahi kiekatari
33	xewitita Newu kiekatari
34	xewitita 'Erami kiekatari
35	Karini kiekatari
36	Keriku kiekatari
37	Ruri, Kariri, meta 'Unuhu kiekatari
38	Tsena kiekatari

39	Mawari wewiwamete Kerahiyaxi nuiwarimama, Ketsuha n
40	'Imexi nuiwarimama
41	Patsuxi nuiwarimama
42	Karini nuiwarimama

43	'Iki rewitsixi mekanihikitini memakunuaxia Ketsuha meta
----	---

44	Kwikamete 'Atsahapi nuiwarimama	148
----	---------------------------------	-----

45	Kitenie teh>wemete Tsaruni, 'Atexi, Tarimuni, 'Akuwi, Katit
----	---

46	Tukita te'uximayatamete 'iki wanuiwarima mepiyiakai: Ts
----	---

57	Tsarumuni memiparewiekai wanuiwarima, Tsutahi niwen
----	---

60	Tukita te'uximayatamete meta Tsarumuni te'uximayatsiriv
----	---

61 Hipatita mekanu'axiani Teri-Meraki mehanexiaka, Teri-Karitsa, Keruwi, 'Aruhuni meta 'Imexi, peru miki wahetsiemieme xapa pumawekai wa'ukiyarima memaye'uxa, kemi'ane memitehanuiwaritakai xika 'ixaheritsixi mehikitikaitini:

62 Rerahiyaxi, Tuwiyaxi meta Nekura wanuiwarima	642
---	-----

63 Hipatita mawari wewiwamete, mepika'uyiwexaxia yamemitiyuani kemi'ane memitehanuiwaritakai 'Ixaheri hetsiemieme, 'iki: Kawahiyaxi meta Kuhutsi meta Waxitsirahi wanuiwarima ('iki 'imatirieka mieme Karaha kiekame Waxitsirahi titewakame niweya kaniutiwitini, mana 'eyehanaka mipai katiniuyuteriwa).

64 Miki mekaniuyutiwauni memaka'uxatsie watutsima, peru mepikawarukaxei, 'ayumieme mepanayexiriya mawari wewiwamete memikahikitiniki.

65 Miki kuwexinaruri katiniwaruku-namirieni mawari memikatekwakaki, 'arike mawari wewiwame wahetsiemieme 'iniari kemitiwewienikekai *'urimi* meta *tumimiki*.*

66 Yunaiti teiteri mekaniyupaimekaitini, huta tewiyari heimana huta miriyari heimana

* **7:65** 7:65 *'urimi meta tumimiki*. Mawari wewiwame mekatikaita piyetekai tetexi hutati, miki pititetewakai, memitehetimamateniki Kakaiyari kemitinake pi'ayumiemetikai (**Mem 28:30**).

haika tsienituyari heimana haika tewiyari (42.360) teiteri.

⁶⁷ Meka'iniariti wai'riyarika te'uximayatamete 'ukitsi 'ukari, memiyupaimekai, 'atahuta miriyari heimana haika tsienituyari heimana xeitewiyari heimana tamamata heimana 'atahuta (7.337), meta mekaniwarexeiyakaitini huta tsienituyari heimana huta tewiyari heimana 'auxiwi kwikamete 'ukitsi meta 'ukari.

⁶⁸ Matsita mekaniwarexeiyakaitini 'atahuta tsienituyari heimana xeitewiyari heimana tamamata heimama 'ataxewi (736) kawayutsixi, huta tsienituyari heimana huta tewiyari heimana 'auxiwi muratsixi,

⁶⁹ nauka tsienituyari heimana xeitewiyari heimana tamamata heimana 'auxiwi (435) kameyutsixi meta 'ataxewi miriyari heimana 'atahuta tsienituyari heimana xeitewiyari (6.720) puxuri.

⁷⁰ Hipati 'ixaheritsixi wa'ukiyarima miraye'axe mepiteyetia 'uximayatsika hetsiemieme: kuwexinaruri 'atahaika kiruyari huru kaniyetuani, meta watsute 'aminene huta tewiyari heimana tamamata meta 'auxiwi tsienituyari heimana xeitewiyari heimana tamamata (530) mawari wewiwame wakemarite,

⁷¹ 'Ixaheritsixi wa'ukiyarima xeitsienituyari heimana haika tewiyari kiruyari huru mekaniyetuani meta xeimiriari heimana huta tsienituyari heimana tamamata (1.210) kiruyari pirata,

⁷² yunaiti teiteri xeitsienituyari heimana haika tewiyari kiruyari huru mekaniyetuani

meta xeimiriya heimana xeitsienituyari (1.100) kiruyari pirata, mawari wewiwamete wakemariteta 'amititi haika tewiyari heimana 'atahuta paimeme.

⁷³ Mawari wewiwamete, rewitsixi, kitenie tehiwemete, kwikamete, teiteri kiekatari, tukita te'uximayatamete meta hipatita 'ixaheritsixi yukiekaritsie mekaneukuyaxixiani.

'Iniari niukiyari 'Etsitiraxi kemirakateriwaxi

'Atahuta metseri haye'aku, 'ixaheritsixi yukiekaritsie mekaniukutetikateitini.

8

¹ Hiki teiteri yunaiti mekaniuyukuxeirieni, takwa Haa kitenieyari hixie mukumakaitsie. Hiki ti'ikitame 'Etsitiraxi mekananayex-eiya 'iniari niukiyari Muiťsexi hetsia mieme makateriwaki, Yawé 'ixaheritsixi miwayetuiriekai yamemitekahuniki.

² Hiki 'atahutarieka metseritsie mexiakame tukaritsie, mawari wewiwame 'Etsitiraxi 'iniari niukiyari kani'atiani memayuxeirie wahixie, mekaniyuxeirikaitini 'ukitsi meta 'ukari metatsiere tiri memiteheutamariwawe,

³ kanekateriwa yunaime wahixie mana takwa Haa kitenieyari hixie. Yunaiti teiteri kayuwati mekaniumakaitini me'i'enieti, 'iniari niukiyari xapayari kemitikuteriwariwakai, ximeri me'utayuaka tukake mekatenuťahayewa.

⁴ Ti'ikitame 'Etsitiraxi wapai kanakawekaitini kiyexi 'a'uyeheikametsie mutawewiyakai 'anamieme. Tserietana mekaniuti'ukaitini Matatiyaxi, Tsema, 'Aniyaxi, 'Uriyaxi, Kirikiyaxi

meta Matsehiyaxi, 'utatanata mekaniuti'ukaitini, Perahiyaxi, Mitsaheri, Marikiyaxi, Katsumi, Katsiwarana, Tsakariyaxi meta Metsurani.

⁵ 'Etsitiraxi wapaiti nakawekaitini yunaiti teiteri mekanixeyakaitini. Kepauka memunenierixi 'iniari niukiyari nanutayepiwakaitini, 'ana yunaiti 'amekaniti'uni.

⁶ Hiki 'Etsitiraxi Yawé pamipariyutsi kaniupitiani, Kakaiyari mimariwe. Hiki teiteri yunaiti teiki mekanemeixiani, mipai me'utiyuati: «Mipai ketiyyini, mipai ketiyyini». Hiki mekaniukahixima'uni kwiepa, Yawé hepaitsita 'aixia mekaniutyuani.

⁷ Rewitsixi Ketsuha, Wanihi, Tserewiyaxi, Kamini, 'Akuwi, Tsawetahi, Huriyaxi, Matsehiyaxi, Kerita, 'Atsariyaxi, Kutsaweri, Kanahani meta Perahiyaxi mekaniwahekiatiakaitini teiteri 'iniari niukiyari, miki me'enanati mepikakuyuatikatei.

⁸ Miki 'aixia mekateniteriwakaitini 'iniari niukiyari Kakaiyari hetsia mieme meta mekanihekiatakaitini kemaine memeiti'enietikikaniki.

⁹ Teiteri me'i'enieka 'iniari niukiyari mekanitsutiani me'utitsuati. 'Ayumieme kuwexinaruri Nehemiyaxi, mawari wewiwame meta ti'ikitame 'Etsitiraxi, rewitsixi teiteri memitewa'ikitiakai, mipai mekateniwarutahiawe: «Xepika'utitsuanani meta xepikanututuixieka, 'iki tukari patsieti kanayeimiki Yawé hetsiemieme takakaiyari».

¹⁰ Hikita Nehemiyaxi mipai katiniwarutahiawe: «Xekeneuhuniri. 'Aixia xeketenekwaka, xeketene'ieka mirakaka meta 'ikwaiki

xekeneyuparewieka kemi'ane mikarexeiya hamatia, 'iki tukari patsieti matiaki Yawé hetsiemieme. Xepikanututuixieka, temawierika Yawé hetsiemieme katanitirikariyani».

¹¹ Yaxeikiatsiere rewitsixi yunaime mekani-wanitiakaitini. Mipai metewakihaweti: «Kayuwati. Xepikanututuixieka, 'iki tukari kanipatsieka».

¹² Hiki yunaiti teiteri mekanekine metehewanike metehe'ienike meta 'ikwai meteheyutaminike, meyutemamawieti metehetimaika kememiteheta'ikitiarie.

Xamaru 'ixiarariyari

¹³ 'Uxa'arieka, yunaiti 'ukirawetsixi, mawari wewiwamete yunaiti meta rewitsixi, 'Etsitiraxi ti'ikitame hetsia mekaniuyukuxeriени 'iniari niukiyari memuyuti'ikitianiki kehapai mitikuxatatika.

¹⁴ Mana mekanikaxeiya mipai re'ukame Yawé Muiťsexi kemitiuta'aitia kename 'ixiarari memiwewienitsie 'atahuta metseriyaritsie 'ixaheritsixi xamarutia me'ukutetikanikekai,

¹⁵ mipaita katine'ukaitini meketewarutaxatiane naitserie kiekaritsie meta Kerutsaremetsie 'iki 'aitsika: «Yemuritsie xekenehu huriwu xawari xekenetiу, huriwu yeuta mieme, tsikwai, taki meta naime tita waika mitixawariyatika, xamaru temitiwewieniki, kemire'uxa».

¹⁶ Teiteri yamekatenikakine tupiriya mekani'atiani, mikiki xamaru mekaniutiwewieni kii heima, takwa, Kakaiyari tukieya takwayaritsie, Haa kitenieyari takwayaritsie meta 'Epirahini kitenieyari takwayaritsie.

17 Yunaiti teiteri mehehapanieka
 memu'axia xamaru mekaniutiwewieni
 mikitia mekanayetetikateitini. Mipai
 mepikateyuriwawekai 'ixaheritsixi kepauka
 Kutsuhexi Nuni nu'aya 'amuyeikakaitsietiti,
 'ixiarari mariweme mekaniuwewieni.

18 'Ixiarari mewewieti 'atahuta tukari
 mekaniuyurieni, naimé miki tukaritsie 'Etsitiraxi
 'iniari niukiyari Kakaiyari hetsia mieme
 kaniwateriwiriekaitini. 'Atahaika tukaritsie
 'ixiarari mipatsie mekaniuwewieni, kemire'ukai
 'iniari niukiyari.

9

*'Ixaheritsixi kememiteyetua 'axake-
 memite'uyuri*

1 Xeitewiyari heimana nauka tukariyaritsie
 miki metseriyaritsie mekaniuyukuxerieni 'ixa-
 heritsixi meyuhakienike, hiwerika kamixayari
 mekananakatixiani meta naxi yumu'utsie meneu-
 tiwiwiexiani.

2 Teewatari wahetsiari me'ayekineka meniuyu-
 tihekiata 'axakememite'uyuri yumireme wahixie
 meta watewarima ke'axamemite'uyuri,

3 hiki yamekaniutiyuani yuhetsie mekate-
 nahiani. Haika hurayari mekaniuyurieni
 'iniari niukiyari meteriwati Yawé yukakaiyari
 hetsia mieme, meta haika hurayari
 mekaniyuhekiatakaitini ke'axamemite'uyuri,
 'imatirieka hixiena mekaniukahixima'uni.

4 Hiki rewitsixi Ketsuha, Wanihi, Karimieri, Tse-
 waniyaxi, Wuni, Tserewiyaxi, Wahani meta Ke-
 nani wapaiti mekaneuti'uni karima mekaniuyu-
 tanenewieni Yawé Kakaiyari mehahaweti.

⁵ Rewitsixi Ketsuha, Karimieri, Wanihi, Katsawiniyaxi, Tserewiyaxi, Huriyaxi, Tsewaniyaxi meta Petahiyaxi mipai mekaniutiyuani karima:

«Hikimitika, Yawé hetsiemieme 'aixia xekeneutiyua takakaiyari

hiki mitiyehane meta yareuyuhanemeki.

'Aixia peke'itiarieka Tati'aitiwame.

Pekeniawarieka witsikepemi'ane
kepemititewa,

'aixia pi'ane pemiawarieka 'aixia
pemi'itiariekaki.

⁶ »'Eki xeikia Yawé pepihiki.

'Eki muyuawi peputawewi,
naime muyuawi kemiyewa
xurawetsixi warexeiyakame.

'Eki tukari pepiwapitia tita pemitutawewi:
kwie meta haramara

yunaime mana memitexuawe.

'Ayumieme xurawetsixi muyuawitsie
miemete 'ahixie mepukahixima'uwe.

⁷ »'Eki, Yawé meta Kakaiyari,

'Apirami pemanayexei pepihiki.

'Eki 'Uxi karireutsixi wakwieyaritsie paiti pepiye-
witi,

'Apirahami pepititeriwaxi.

⁸ Hetsiena pepikaxei 'iyari heitserie yamitikamie
'ayumieme tiratu hamatiana pepuwewi.

Mipai pepititahawixi kename nuiwarimama
kananeutsixi wakwie pewayetuirieniekai,
meta 'etitsixi, 'amuxeutsixi meta peretseutsixi,
kewutseutsixi, keriketseutsixi wakwie.

Pepiraye'atia kepemutayi
heitseriemeki yapemitikamie pemihikiki.

9 »'Ekipitu tatewarima wa'uximatiarika pepu'eni,
Haramara Mixeta 'aurie ke-
memiteyuhiweriekai pepuwaru'eni.

10 Mariweme pepitiuyuri waikawamexia
Parahuni hetsia, 'iparewiwametemama meta
yunaiti teiteri,

peniereti kememitewananaimakai
'ateiterima kememiwayuriekai.

Mipai petiuyurieku
hiki pepukuxaxatsiwa naitserie.

11 Wahixie haramara pepanutayepi,
mepanuki 'ayewakikaku.

Peru memiwaruweiyakai
haramara 'ameukatewatsie pepiwareukaxiri,
tetexi wahepai tetiata paiti.

12 Haiwitiri 'a'uwemekai pepiwaruwitiximekai
tukariki,
tai 'a'uwemekai tikariki pepiwaruwitiximekai:
memuhuniki wahuye pepihekiariwiekai.

13 »Tsinahi hiriyaitsie pepunua,
muyuawitsie paiti pepuwarutahawixi.

Ketitamitiheitserie pepitiwarutaxatia meta 'iniari
niukiyari yuri maine,
'aitsika 'aixia mi'anene.

14 Pepiwarutaxatia Xawati tukariyari mipatsie,
Muitsexi ti'a'uximayatsiriwame
mihikitikaitsie
'aitsika 'iniari niukiyari pepiwayetui.

- 15 »Meheuhaakakwikukaku paa muyuawitsie
miemekî pepîwarutihuxaitia,
meheuharikukaku pepîwaruharitîa haa 'ait-
sie mieme.

Kwie pepîwayetuiiri
pemiwayetuirienikekai pemainekai.

- 16 Tatewarima ta'ukiyarima mepuyuta'irixi,
yamemitekakine mepîka'uyuwaîri 'a'aitsika
hetsie.

- 17 Mematsi'enienike mepîkayuwaîri,
mariweme kepemîtiuyuri
wahetsiemieme mepîkahaye'eri.

Waikawa mepîtsetse'îkai meta
mepîkaheu'enanakai
'atsita xeime mepanuyeye
muwarakunuitianikî 'Ekipitu
wairiyarika memîteha'uximayakaitsie.

Peru 'eki pepikawaruku'eiri
Kakaiyari pemîtareuyehîwirie pemîhîkîkî,
pemîtiuyukakwewimîkî meta
pemîtiuyukanenimaya,
haxîakî pekayumexîitiati, peru waikawa
petiuyukanakî'erietî.

- 18 »Tsepa tsikeru memutawewi
tepiakî wewiyakame,
mîpai memutiyua: “Îkî kani'akakaiyaritîni
'Ekipitu matsiyewitî”,
tsepa yemekî kwiniemieme
'ahîxie 'axamemîte'uyuri,

- 19 'eki pepikawaruku'eiri makumawetsie
'eki kwiniemieme pemîtiuyukanenimayakî.

»Hatsuaku pɪkawaruku'eiri hai 'amuwekai
 tukariki miwaruwitiximekai huyeta,
 meta pɪkatiuhayewaxi wahekiariwiyati tai
 'a'uwemeki
 tikariki miwa'iniaritikai kememiteheuyune.

20 »'A'iyari 'aixia mi'aneki memitemaiwaweniki
 pepiwarupitia.

Manana pepikawarunawairi me'ikwakaku,
 haa pepiwaruharitia memikaheuharikuniki.

21 Huta tewiyari wiyari makumawetsie
 pepitiwamikwakai.

Tixaiti reuyeweti pɪkaratia wahetsiemieme.

Wakamixate pika'utitsanixi
 meta wa'ikate pika'utihai.

22 »Pepiwayetuiiri te'aitamete meta kiekari,
 yuxexuime kwie pepiwaruxatia.

Te'aitamete mepiwara'iwaxi 'Uhuki meta Tsikuni,
 memite'aitakai Hetsiwuni kwieyaritsie meta
 Watsani kwieyaritsie.

23 Waniwema pepiwarutimiiriyaxi
 xurawetsixi muyuawitsie miemete wahapai,
 kwietsie pepiwa'atia
 watewarima pemɪwaraxaxatiwakaitsie.

24 Waniwema miki kwieyaritsie mepu'axia.
 Wahixie pepitiwaruta'aitia kananeutsixi
 mana memu'uwakai,
 te'aitamete pepiwayetuiiri meta teiteri mana
 kiekatari,
 kemitiwanake wahetsie yamemiteyurieniki.

25 Kiekarite kuraruyari 'amatitetewa
 mepiwara'iwaxi meta

kwie 'aixia mi'anene,
 kiite yukii mepayeitiaxia piinitiarika tihipineme,
 meta putsute muyewawaki, kaxie haraweri-
 yarite meta huriwu,
 metatsiere waikawa 'iteirite 'ikwaxi
 mirexeiyatika.
 Meteniutikwani meta meniutihuxani metatsiere
 meniutiwaiyata,
 mepiteha'iniataxi waikawa ke'aixia
 pemiwaruyuri.

- 26 »Peru mekaheu'enanati mepaki:
 menetsi'aye'unieti mepaki,
 'a'aitsika meputixani'eri,
 'aniukamete 'ahetsia miemete mepiwarukwi
 memiwa'iniekai memi'axianiki 'ahetsia,
 yemeki 'ahixie 'axamepite'uyuri.
- 27 'Ayumieme memiwaraye'unie hetsia
 pepiwayetua,
 mikita mekaniwaru'uximatiani.
 'Uximatiarikatsata memanahiwiwakaitini,
 muyuawitsie paiti peniwaru'enieni,
 pemituuyukakwewimikiki pekaniwareyeni'ani
 memiwatawikweitsitiani
 memiwaxinakiki memiwaraye'unie wahetsia.
- 28 Peru kepauka memuxinarie,
 yaxeikiatsiere mepiteyuriekai,
 'ekita pepiwayetuayakai memiwaraye'unie wa-
 hetsia,
 miki mekateniwaruta'aitiwakaitini.
 Hekwameki mekameniutahiwiwakaitini
 pemiwaparewieniki,
 hiki muyuawitsie paiti pekani-
 waku'eniwakaitini.

Waikawa pemɪwanaki'eriekaiki
miixa peniwarutawikweitsitiani.

- 29 Pepiwaraye'eritia 'a'iniari niukiyaritsie
memanuaxianiki,
peru miki mepuyuta'irixi
meta 'a'aitsikatsie yamepikatekaki.
'Axamepite'uyuri 'a'aitsikate hepaitsita,
tukari mitiyupitiwa kemi'ane meye'atiwa.
Mekaheu'enanati mepimatsi'uku'eiri,
metsetse'iti mepayuyeitia meta
mepikayuwairi memimatsi'enieni.

- 30 »Miixa wiyari pepiwanewiekai,
'a'iyariki pepiwaraye'eritiwakai
'aniukamete yame'utiyanekaku,
peru miki mepika'u'enana.
'Ayumieme pepiwayetua miki
kwieyaritsie memitama wahetsia.

- 31 Peru 'eki, waikawa pemitiuyukanenimayaki
pepikawarukwi meta pepikawaruku'eiri,
Kakaiyari 'aixia pemitiuka'iyari meta
pemiti'akanenimaya.

- 32 »Hikita, takakaiyari,
Kakaiyari pemimariwe, pemimakaxiwa meta
pemitirikaiye,
tiratu pemaye'atiwa meta yapepitikamie,
'etsiwa tiuyime pepika'erieka ke-
memite'ukwinitiarie,
tate'aitiwamete,
kuwexinaruritsixi, mawari wewiwamete
meta 'aniukamete,
ta'ukiyarima meta teyunaiti 'ateiteri,

te'aitamete 'Atsiriya kiekatari
memitatsi'a'iwxitsietiti 'atsita hiki.

³³ 'Eki heitserie pepituyurienekai
tame kemitatuyuri,
'eki yapepitikatia.

Tame 'apita 'axatepíte'uyuri.

34 Tate'ai*ti*wamete meta kuwexinaruritsixi,
tamawari wewiwamete meta tatewarima,
'a'iniari niukiyaritsie yamepikatekaki
meta mepika'i'eni 'a'aitsikate
metatsiere kepemitiwaraye'erit*ti*wakai.

35 Miki, kepauka memite'aitakai,
 mepika'uyuwairi memimetsi'ayexeyani
 meta mepika'uyuwairi 'axake-
 memiteyuriekai memuku'eirieniki,
 tsepa waikawa petiwarumikutiti
 meta kwie pewayetuirieku 'ayeukame tiuxu-
 aweriweme.

36 »'Ayumieme hiki wairiyarika te'uximayatamete
tepihiki,
wairiyarika te'uximayatamete 'iki kwieyarit-
sie
pemiwayetuiritsie tatewarima
mana timieme 'ikwaxi memitekwwakaki meta
memite'ukaxexeinyaniki.

37 Waikawa kemitiutixuxuawere hiki te'aitamete
wahetsiemieme katinihikitini
'axatemite'uuyuriki tahetsie pemiwarupitia.
Tirikariya memexeiyaki, kemitiwanake
mepitatsiyurie
tame meta tatewama.
Waikawa tepu'uximatiarie.

³⁸ »Naimeki mikiki, tame tiratu tepiwewieni meta tepite'aka'utiani, kuwexinaruritsixi, rewitsixi meta mawari wewiwamete mepitseyumani».

10

*Teiteri yamekaniutiuyuani yamemitekakineki
'inari niukiyaritsie*

¹ 'Iki mekanihikitini memitseyuma:

Nehemiyaxi Hakariyaxi nu'aya kuwexinaruri mihiki,

Tserekiyaxi,

² Tserahiyaxi, 'Atsariyaxi, Keremiyaxi,

³ Patsuxi, 'Amariyaxi, Marikiyaxi,

⁴ Katuxi, Tsewaniyaxi, Maruki,

⁵ Karini, Meremuti, 'Awiriyaxi,

⁶ Tanieri, Kinetuni, Waruki,

⁷ Metsurani, 'Awiyaaxi, Mikamini,

⁸ Mahatsiyaxi, Wirikai meta Tsemahiyaxi.

'Iki mawari wewiwamete mekanihikitikaitini.

⁹ Rewitsixi teiteriyari:

Ketsuha 'Atsaniyaxi nu'aya, Winuhi, Henarari xiyarimama, Karimieri,

¹⁰ meta wa'iwama Tsewaniyaxi, Huriyaxi, Kerita, Perahiyaxi, Kanahani,

¹¹ Mikahiyaxi, Xekuwi, Katsawiyaxi,

¹² Tsakuxi, Tserewiyaxi, Tsewaniyaxi,

¹³ Huriyaxi, Wanihi meta Weninu.

¹⁴ Memanuyetei mana kiekatari:

Parutsi, Pakati, Muhawi, 'Erami, Tsatuhu,
Wanihi,

¹⁵ Wunihi, 'Atsikari, Wewahi,

¹⁶ 'Aruniyaxi, Wihiwahi, 'Arini,

¹⁷ 'Atexi, 'Etsekiyaxi, 'Atsuxi,

¹⁸ Huriyaxi, Wetsahi, Katsumi,

¹⁹ Karipi, 'Anatuti, Newahi,

²⁰ Makipiyaxi, Metsurani, Hetsixi,

²¹ Metsetsaweri, Tsaruki, Karuha,

²² Peratiyaxi, Kanahani, 'Anahiyaxi,

²³ 'Utseyaxi, Kananiyaxi, Katsuwi,

²⁴ Haruketsi, Pirika, Tsuweki,

²⁵ Xekuni, Katsawina, Matsehiyaxi,

²⁶ 'Ahiyaxi, Kanahani, 'Anahani,

²⁷ Maruki, Karini meta Wanaha.

²⁸ Meta hipatita teiteri —mawari wewiwamete, rewitsixi, kitenie tehiwemete, kwikamete, tukita memite'uximaya, meta yunaiti kemi'ane memiwaruku'eirie kai hipame teiteri kwiepa memitama 'iniari niukiyari memaye'atianiki, wa'itama, waniwema 'ukitsi 'ukari meta yunaiti kemi'ane memi'enawawekai—

²⁹ yu'iwama mekaniwarutini memanuyetei, yuriki meyuhiritiati yamekaniutiyuani kename yametekakine, yamemite'u'uaniki 'iniari niukiyari Kakaiyari Muitsexi tiyu'uximayatsiriwame miyetuiri kemaine, meta yamemitekakineki naima Yawé 'aitsikateyatsie.

³⁰ Metatsiere yatekaniutiyuani taniwema temikawawikitiatiweniki memika'ixaheritsixi 'iki kwieyaritsie memu'uwa wahamatia meta memikawikietiweniki waniwema taniwema wahamatia.

31 Metatsiere yatekaniutiyanani xika teiteri xaitsie kiekatari xawatiki me'u'axiani metetuati piinite tewaxi yatini tsepa kepauka 'ixiarari hatinekaku, tame tixaiti tepikatenaneni. Yaxeikiatatsiere tepite'uxa 'atahutarieka wiyaritsie tepikaka'eni, meta memitehapitika tepitewareuyehiwirieni.

32 Mipaita tekateniuxata, tepiyetuayani nauka kiramuyari raheteme pirata xeiwiyari 'anuyeyeikakaku, takakaiyari tukita tita mireuyewetse hetsiemieme mayaniki:

33 paa Kakaiyari hixie mamanariwa, mitiutimawariwani, meta mawari taiyariyari tukariki yamitiutiwewiwa hetsiemieme, mawari xawati mieme, mawari metseri mihekwanitsie mieme meta 'ixiarari mipatsietika mutiwewiwanitsie mieme, 'imikieri mipatsietika hetsiemieme, meta mawari 'ixaheritsixi ke'axamemite'uyuri memi'itiyaniki hetsiemieme, meta naima tita memiteheuyehiwa takakaiyari tukita.

34 Kiyexi temiyetuayani hetsiemieme, teyunaiti 'iniariki tekaniuyuta'iwa, kemi'ane wahetsie mitinakekekai, mawari wewiwamete, rewitsixi meta teyunaiti teiteri, mipai temitemaikaki kemi'ane memi'atiwani kepauka tukaritsie, xeiwiyari 'aye'axekaku, Yawé tukieyata mieme takakaiyari, mitakaki mawarieya matiweyiwa, 'iniari niukiyaritsie kemaine.

35 Yaxeikiata yatekaniutiyanani Yawé tukiey-ata temiteyetuayaniki xeiwiyari 'anuyeyeikakaku tawaxata mitikaxuawere matari timieme meta ta'iteiritetsie timieme 'ikwaxi,

36 metatsiere muwa temiwayetuayaniki taniwema matiari miemete meta tatewama mexiakate, wakaitsixi meta muxatsi, mawari wewiwamete wahetsia Kakaiyari tukieyata memite'uximaya, kemireuku'uxa 'iniari niukiyaritsie.

37 Metatsiere mipai tekateniuxata temiteyetuayaniki Kakaiyari tukieyata timieme mitiwati'utsiwatsie, muwa tepiyetuanu harina 'aixia mi'ane, meta hipame 'imikieri, ta'iteiri 'ikwaxiyari, kaxie winuyari mihekwa meta hatseiti, mawari wewiwamete wahetsie timieme takakaiyari tukita memite'uximaya. Metatsiere yatekateniuxata temiyetuaniki tamamatatsie mieme xeime tita temite'uka'etsa rewitsixi wahetsiemieme mirayaniki, mikitsi mekanihikitini naime 'iki memite'uyetitika

38 Xewiti mawari wewiwame 'Aruni xiiyarieyatiti rewitsixi wahamatia kaniyemieni kepauka tamamatatsie mieme xeime hetsie timieme memitetiyu. Rewitsixi tamamata hetsiemieme xeime tawarita mana hepaina paimeme mepite'anakapineni memiyetuayaniki Kakaiyari tukieyata mitiuyepinetsie.

39 'Ixaheritsixi meta rewitsixi mekaniyet-uayakuni 'imikieri, tiriku, kaxie winuyari meta hatseiti mitipatsietika mitiuyepinetsie meta mawari wewiwamete memiwayeyaxike wa'aurie, kitenie tehewemete meta kwikamete, kepauka memite'uximaya.

Mipai tekateniuxata takakaiyari tukieya mipai temite'iwiiyaniki.

11

Kemi'ane Kerutsareme memitiyaxixi

¹ 'Ixaheritsixi memanuyetei Kerutsareme mekanitiyaxe. Hipatita memuyuhayewaxi mekaniyuta'iwa tamamatatsie mieme xewiti Kerutsareme muyuhayewaki kiekari mipatsietsie, hipatita me'atanaukati hipame kiekaritsie mekaniyuhayewa.

² Hiki teiteri Kaka'yari mekaniutawawirieni 'aixia muwayurieniki kemi'ane yukimana memuyuyetua Kerutsareme memitiyaxeki wahetsiemieme.

³ 'Iki mekanihikitini 'iki kwieyaritsie memanuyetei Kerutsareme memuyuhayewaxi meta hipame kiekaritsie Kura kwieyaritsie. 'Ixaheritsixi, mawari wewiwamete, rewitsixi, tukita te'uximayatamete meta Tsarumuni te'uximayatsiriwamete wanuiwarima mana mekaniyuhayewa, yuxexuiti yukiekaritsie meta yukwieyaritsie.

⁴ 'Iki mekanihikitini huriyutsixi wenikamini xiiyarimama Kerutsareme memuyuhayewaxi:

Kura memixiiyarimama:

'Atahiyaxi 'Utsiyaxi nu'aya, Tsakariyaxi nu'aya, 'Amariyaxi nu'aya, Tsepatiyaxi nu'aya, Marareri nu'aya, miki Paretsi memixiiyarimamatikai.

⁵ Meta Matsehiyaxi Waruki nu'aya, Kurikutse nu'aya, Katsahiyaxi nu'aya, 'Arahiyaxi nu'aya, Kuyariwi nu'aya, Tsakariyaxi nu'aya, Tsiruni niwemama.

⁶ Yunaiti Paretsi nuiwarimama Kerutsareme memuyuhayewaxi nauka tsienituyari heimana haika tewiyari heimana 'atahaika kuyaxi memikamama (468) mekaniyupaimekaitini.

⁷ Wenikamini xi:yarimama:

Tsaru Metsurani nu'aya, Kuhe nu'aya, Perahiyaxi nu'aya, Kurahiyaxi nu'aya, Matsehiyaxi nu'aya, 'Itiheri nu'aya, Kitsariyaxi nu'aya,

⁸ 'iwamama Kawahi meta Tsarahi. Yunaiti 'atanauka tsienituyari heimana xeitewiyari heimana 'atahaika (928) mekaniyupaimekaitini.

⁹ Manuyekatei mexiakame mieme Kuheri kanihikitikaitini Tsikiri nu'aya, hutarieka mieme manuyeka kanihikitikaitini Kura Tsenuha nu'aya.

¹⁰ Mawari wewiwamete:

Kerahiyaxi Kuyariwi nu'aya, Kakini,

¹¹ Tserahiyaxi Kirikiyaxi nu'aya, Metsurani nu'aya, Tsaruki nu'aya, Merayuti nu'aya, 'Akituwi nu'aya, Kaka:iyari tukieya mihiritiarie mihikitikai,

¹² meta maremama memihikitikai 'atahaika tsienituyari heimana xeitewiyari heimana huta (822) tukita mekateni'uximayakaitini, metatsiere 'Arahiyaxi Keruhani nu'aya, Perariyaxi nu'aya, 'Amitsi nu'aya, Tsakariyaxi nu'aya, Patsuxi nu'aya, Marikiyaxi nu'aya,

¹³ meta wamarema, miki memanuyetei mepihikitikai yuniwema memiwareuxeiya, yunaiti huta tsienituyari heimana huta tewiyari heimana huta mekaniyupaimekaitini, metatsiere 'Amatsahi 'Atsareri nu'aya, 'Akitsahi nu'aya,

Metsiremuti nu'aya, 'Imexi nu'aya,

¹⁴ meta maremama, yunaiti xeitsienituyari heimana xeitewiyari heimana 'atahaika (128) mekaniyupaimekaitini yemeki memitehayu'iwa. Wa'ukiyari Tsawirieri Kerurini nu'aya kanihikitikaitini.

¹⁵ Rewitsixi:

Tsemahiyaxi Katsuwi nu'aya, 'Atsirikani nu'aya, Katsawiyaxi nu'aya, Wunihi nu'aya,

¹⁶ Tsawetahi meta Kutsawari memanuyetei mekanihikitikaitini rewitsixi wahetsie, mekanihiritiariiekaitini 'uximayatsika Kakaiyari tukieya warita mieme.

¹⁷ Mataniyaxi Mikahiyaxi nu'aya, Tsawiri nu'aya, 'Atsahapi nu'aya, muwa'ukiyaritikai memutikwikakai pamipariyutsi Kakaiyari mipitiariiekatsie meta memiyunenewiekatsie, Wakuwukiyaxi Mataniyaxi piparewiwametikai yu'iwamaritsie meta 'Awira Tsamuha nu'aya, Karari nu'aya, Kerutuni nu'aya.

¹⁸ Rewitsixi kiekari mipatsietsie memuyuhayewaxi yunaiti huta tsienituyari heimana nauka tewiyari heimana nauka (284) mekaniyupaimekaitini.

¹⁹ Kitenie tehiwemete:

'Akuwi, Tarimuni meta maremama, kitenie tehiwemete. Yunaiti xeitsienituyari heimana haika tewiyari heimana tamamata heimana huta (172) mekaniyupaimekaitini.

20 Hipatita 'ixaheritsixi meta mawari wewiwamete, hipati rewitsixi, Kura kwieyaritsie mekanitamakaitini naitserie, yuxexuiti yukwietsie.

21 Tukita te'uximayatamete Tsika meta Kitsipa memiwani'akai, 'Uperi yemuriyaritsie mekaniyuhayewa.

22 Rewitsixi wa'ukiyari Kerutsareme memittekai 'Utsihi katinitewakaitini Wanihi nu'aya, Katsawiyaxi nu'aya, Mataniyaxi nu'aya, Mikahiyaxi nu'aya, xewiti 'Atsahapi nuiwarieya mihiki. 'Tki mepihiritiariiekai kwikari hepaitsita Kakaiyari tukieyata.

23 Miki ti'aitame pitiwa'aitiakai kehapai memite'uximayakakekai kwikamete naime tukaritsie.

24 Ti'aitame, Petahiyaxi Metsetsaweri nu'aya kananukakeni yunaime teiteri wahetsiemieme miparewiekaki, miki Tsera nuiwarieyatsie pumiemetikai Kura nu'aya.

Hipati kiekaritetsie memittekai

25 Hipati huriyutsixi 'iki kiekaritetsie mekaniyuhayewa meta yu'aurie 'etsiyeyeume mexeyatikatsie: Kiriati-'Ariwa, Riwuni, Yekatseri,

26 Ketsuha, Murara, Weti-Pereti,

27 Katsaxi-Tsuhari, Weritsewa,

28 Tsikiraki, Mekunaha,

29 'Eniximuni, Tsura, Karimuti,

30 Tsanuha, 'Arurani, Rakixi meta 'Atseka, tatsiari Weritsewa tsutiti 'atsita mayeweri Hinuni paiti ye'atikaiti.

³¹ Wenikamini nuiwarimama Kehewa kiekari-yaritsie mekanitiyaxe, Mikimatsi, 'Ahiyatsi, Weteri meta kiekari 'auriena mamanetikatsie,

³² 'Anatuti, Nuwi, 'Ananiyaxi,

³³ Katsuxi, Xama, Kitahini,

³⁴ Kariri, Tsewuhini, Newarati,

³⁵ Ruri meta 'Unuhu, mayeweritsie Yumamaki Memiteheutawewiwawe mirayetewatsie.

³⁶ Hipati rewitsixi Kura kwieyaritsie kiekatari Wenikamini nuiwarimama mekaniiwarutinini.

12

Memu'axia mawari wewiwamete meta rewitsixi

¹ 'Iki mawari wewiwamete mekanihikitini meta rewitsixi memu'axia Tsuruwaweri hamatia Tsaratiheri nu'aya, meta Ketsuha hamatia:

Tserahiyaxi, Keremiyaxi, 'Etsitiraxi,

² 'Amariyaxi, Maruki, Katuxi,

³ Tsekaniyaxi, Xekuni, Meremuti,

⁴ 'Iru, Kinetuni, 'Awiya,

⁵ Mikamini, Mariyaxi, Wirika,

⁶ Tsemahiyaxi, Kuyariwi, Kerahiyaxi,

⁷ Tsaru, 'Amuki, Kirikiyaxi meta Kerahiyaxi.

'Iki mekanihikitini memanuyetei mawari wewiwamete meta wamarema Ketsuha muyeikakaitsie.

⁸ Rewitsixi mekanihikitikaitini Ketsuha, Winuhi, Karimieri, Tserewiyaxi, Kura meta Mataniyaxi, kepauka Kaka'yari pamipariyutsi mukupit'ariwakai miki pihiritiariiekai 'ana memutikwikaniki yu'iwama yunaiti.

⁹ Wakuwukiyaxi meta 'Unihi, memiwa'iwama, wahixie mekaniti'uwekaitini mewaranutaxeiyati memutikwikakaitsie.

¹⁰ Ketsuha xiiyarimama mekanihikitikaitini Kuhakimi, 'Eriyatsiwi, Kuyara,

¹¹ Kuhanahani meta Karuha.

¹² Mawari wewiwamete wa'ukiyarima, Kuhakimi ti'aitakaku 'iki mekanihikitikaitini:

Tserahiyaxi nuiwarimama: Merahiyaxi
puwa'ukiyaritikai,

Keremiyaxi nuiwarimama: Kananiyaxi
puwa'ukiyaritikai,

¹³ 'Etsitiraxi nuiwarimama: Metsurani
puwa'ukiyaritikai,

'Amariyaxi nuiwarimama: Kuhanahani
puwa'ukiyaritikai,

¹⁴ Meriku nuiwarimama: Kunatani
puwa'ukiyaritikai,

Tsewaniyaxi nuiwarimama: Kutse
puwa'ukiyaritikai,

¹⁵ Karini nuiwarimama: 'Arina
puwa'ukiyaritikai,

Merayuti nuiwarimama: Kerikahi
puwa'ukiyaritikai,

¹⁶ 'Iru nuiwarimama: Tsakariyaxi
puwa'ukiyaritikai,

Kinetuni nuiwarimama: Metsurani
puwa'ukiyaritikai,

¹⁷ 'Awiyaxi nuiwarimama: Tsikiri
puwa'ukiyaritikai,

Minikamini nuiwarimama: mikita yuxeime
yu'ukiyari mepexeyakai,

Muhariyaxi nuiwarimama: Piritahi
puwa'ukiyaritikai,

18 Wirika nuiwarimama: Tsamuha
puwa'ukiyaritikai,

Tsemahiyaxi nuiwarimama: Kunatani
puwa'ukiyaritikai,

19 Kuyariwi nuiwarimama: Matenahi
puwa'ukiyaritikai,

Kerahiyaxi nuiwarimama: 'Utsihi
puwa'ukiyaritikai,

20 Tsarahi nuiwarimama: Karahi
puwa'ukiyaritikai,

'Amuki nuiwarimama: 'Ewexi
puwa'ukiyaritikai,

21 Kirikiyaxi nuiwarimama: Katsawiyaxi
puwa'ukiyaritikai,

Kerahiyaxi nuiwarimama: Natanaheri
puwa'ukiyaritikai.

22 Kepauka 'Eriyatsiwi, Kuyara, Kuhana-
hani meta Karuha mawari wewiwamete
wa'ukiyarima memihikitikaitsie rewitsixi
wa'ukiyarima meta mawari wewiwamete
wa'ukiyarima mekanaka'utsieni Rariyu
ti'aitakaku Peritsiya kiekame.

23 Rewitsixi wa'ukiyarima Kuhanahani
'Eriyatsiwi nu'aya muyeikakaitsie xeikiari
mekanaka'utsieni kemitiuyi xapayaritsie.

24 Rewitsixi wa'ukiyarima mekanihikitikaitini
Katsawiyaxi, Tserewiyaxi meta Ketsuha
Karimieri nu'aya. Kepauka maye'axekai
memitikwika wa'iwama miki wahixie mekan-
iti'uwekaitini memitikwikaki meta pamipariyutsi
memipitiani, Rawiri kemitiu'aitaxi, tewi
Kakaiyari hetsia mieme.

25 Mataniyaxi, Wakuwukiyaxi, 'Awiriyaxi, Met-

surani, Tarimuni meta 'Akuwi kitenie teh>wemete mekanihikitikaitini meta m̃tiuyepitikatsie kitenie 'aurie.

²⁶ Yunaiti 'iki Kuhakimi Ketsuha nu'aya meta Kutsaraki teukarieya muyeikakaitsie mekaniu'uwakaitini, meta Nehemiyaxi mukuwexinaruritikaitsie, meta mawari wewiwame meta ti'ikitame 'Etsitiraxi mihikitikaitsie.

'Ixiarari kuraru hetsiemieme

²⁷ Kepauka maye'a kuraru hetsiemieme 'ixiarari memiwewieniki, mekaniwarutiwauni rewitsixi naitsarie kememite'ukutetikatei mekaniwarewitini, Kerutsareme 'ixiarari memiwewieniki kwikariki meta pamipariyutsi me'ipitiati, meteyuitiati m̃tiutitiraurikaki, 'aripaki meta 'aripa 'etsimupeki.

²⁸ Hiki mekaniuyukuxeirieni kwikamete Kerutsareme 'aurie kiekatari meta Netupa 'aurie kiekarite 'etsimiyeyeutsie kiekatari,

²⁹ meta Weti-Kirikari kiekatari, yaxeikiatsiere Kehewa kwieyaritsie kiekatari meta 'Atsimaweti kiekatari, miki Kerutsareme 'aurie mekaniuyu-tikitiakaitini kwikamete.

³⁰ Mawari wewiwamete meta rewitsixi me'uyu'itieka meri, 'ariketa teiteri, meta kiteniete, metatsiere kuraru mekateniu'itieni.

³¹ Hiki Kura kwieyaritsie kiekatari memanuyetei yanekatiniwarutahiawe memanutikineki kurarutsie, meta kwikamete meyumireme nekaniwarukuxeirieni me'ayehutame. Hipati tatserieta meneutayune kuraru hetsie me'uhuti, Xatsi kitenieyari hepa me'erieti,

³² kwikamete wa'utia 'Utsahiyaxi kaniu-miekaitini Kura kwieyaritsie memanuyetei warawititi,

³³ 'Atsariyaxi, 'Etsitiraxi, Metsurani,

³⁴ Kura, Wenikamini, Tsemahiyaxi meta Keremiyaxi.

³⁵ 'Iki mekaniwaruweiyakaitini mawari wewi-wamete kuxineta me'u'iti: Tsakariyaxi Kunatani nu'aya, Tsemahiyaxi nu'aya, Mataniyaxi nu'aya, Mikahiyaxi nu'aya, Tsakuxi nu'aya, 'Atsahapi nu'aya,

³⁶ meta maremama Tsemahiyaxi, 'Atsareri, Mirarahi, Kirarahi, Mahi, Natanaheri, Kura meta Kananihi, kanarite memu'ikai Rawiri tipiinieya, tewi Kakaiyari hetsia mieme. Matsi yunaime wahixie ti'ikitame 'Etsitiraxi kaniumiekaitini.

³⁷ Haixata kitenieyaritsie meye'axiaka, heitserie mekaneutiyune teikimana tetexi 'imimiyari 'amatayewatsie Rawiri kiekariena, kuraru teikimana meutiyunetsie, Rawiri paratsiyuya manuwe 'aurie muyehanetsie mekaniuyekine, Haa kitenieyaritsie paiti mekaniye'axiani, tau manatineika hepatsie.

³⁸ Hutarieka miemete kwikamete ta'utata meneutayune memanuyukunakeki, Huxunu tuxiyuyari kuraruyari 'utima meta kuraru 'amatayewa 'utima. Ne wa'utia nekaniumiekaitini, hipame teiteri hixiapa memi'axe newarawititi.

³⁹ Kitenie 'Epirahini mititewa heima tekaniuyekine meta Ketsahana heima, meta kitenie Tsapari mititewa heima, tuxiyu Kananeri mititewa hetsie meta tuxiyu Xeitsienituyari mititewatsie meta Muxatsi

wakitenie mititewatsie, 'atsita Kuyaxi kitenie mititewatsie paiti tekaniye'axiani. Mana tekaniwa'uni.

⁴⁰ Kwikamete memayehuta tukita 'aixia mekateniuyu'uitiani. Yaxeikiata ne meta memanuyetei hixiapa memi'axe 'aixia tekateniuyu'uitiani,

⁴¹ meta mawari wewiwamete 'Eriyakini, Matsehiyaxi, Minikamini, Mikahiyaxi, 'Erihuhenahi, Tsakariyaxi, Kananiyaxi,

⁴² Matsehiyaxi, Tsemahiyaxi, 'Eriyatsaxi, 'Utsihi, Kuhanahani, Marikiyaxi, 'Erami meta 'Etsexi, mekateniukayuitiwakaitini meta mekaniutikwikakaitini yutirikarima, 'Itsirahiyaxi mitiwa'aitia pihikitikai.

⁴³ Miki tukaritsie mawari waikawa kaniuwewiyani meta 'ixiarari mepuwewi Kakaiyari temawierika muwarupitiaki. Metatsiere 'ukarawetsixi meta tiri mepite'uparewi. Yemeki waikawa temawierika Kerutsareme puxuawekai teewapaiti mepi'enieriekai.

Kemitiyetuiwa mawari wewiwamete meta rewitsixi wahetsiememe

⁴⁴ Miki tukaritsie, mekaniutihawarieni 'imikierite mitiwati'utsiwa memihiritiarieni, matiari mitiukaxuxuawere, tamamatatsie timieme. Miki naitserie mepitehatitikikani miraka'etsitre timieme kiekarite 'aurie, 'iniari niukiyari kemiti'aita, mawari wewiwamete wahetsiememe meta rewitsixi. Teiteri Kura kwieyaritsie kiekatari waikawa mekaniyutemamawiekaitini mawari

wewiwamete meta rewitsixi wahetsiemieme kememite'uximayakai,

⁴⁵ miki wahetsiemieme kememite'u'aitakai Rawiri meta nu'aya Tsarumuni mipai mekateni'uximayakaitini Kakaiyari hetsiemieme meta 'itiya hepaitsita mekateni'uximayakaitini, kwikamete meyiniti meta kitenie tehiwemete.

⁴⁶ Miixa wiyari panuyemie kepauka Rawiri muyeikakaisie meta 'Atsahapi, 'ana mepite'ukatsutia mewarexeiyati kwikamete wa'ukiyarima, niawari memutikwika meta pamipariyutsi memipitia Kakaiyari.

⁴⁷ Tsuruwaweri muyeikakaisie meta Nehemiyaxi, 'ixaheritsixi yamepityetuyakai ketipaimeti memutikwika mitiwahetsiemieme meta kitenie tehiwemete. Metatsiere 'imikierite mekaniyetuyakaitini rewitsixi wahetsiemieme, miki rewitsixi 'Aruni niwemama mepitewayetuiwakai ketipaimeti mitiwahetsiemietikai.

13

'Imatirieka Nehemiyaxi kemitiuyuri

¹ Miki tukaritsie teiteri wahixie kanakateriwarieni Muitsexi xapaya 'iniari niukiyari maye'uxa, mana kaniukaxeiyarieni kename 'amunitsixi meta muhawitsixi mekawapitiakakakai Kakaiyari teiterimama wahamatia,

² memikatewarumiki meta memikawaruharitiaki makumawetsie. Meta 'akuxi matsi Warami memite'upitiaki miwakewaiyaki, peru ke'axatemi'itiarienikekai takakaiyari pipataxi 'aixia pitatsi'uyuri pita.

3 Hiki me'i'enieka 'iniari niukiyari
 kemainekai, 'ana 'ixaheritsixi watsata
 mekaniwarayeni'ani yunaima kemi'ane
 yu'ukiyarima memiwarexeiyakai teewapai
 kiekatari.

4 Mipai katiyiwekaku 'akuxi, mawari
 wewiwame 'Eriyatsiwi mihiritiari Kakaiyari
 tukita timieme mitiuyepitikatsie, Tuwiyaxi
 kaniutimareta,

5 kii kanixatiani 'apakame. Muwa
 pititi'utsiwakai 'imikierite, 'ikwa, piinite tita
 tukita mitiyukumaiwa, tamamatatsie mieme
 xewiti mitiyetuiwa: tiriku, kaxie winuyari meta
 hatseiti rewitsixi wahetsiemieme, kwikamete
 meta kitenie tehiwemete, meta mitiyetuiwa
 mawari wewiwamete wahetsie timieme.

6 Ne 'ana Kerutsareme nepika'uyeikakai, xeit-
 ewiyari heimana tamamata heimana huta wi-
 yaritsie ti'aitakaku 'Aritakexiketsi, Wawiruniya
 kwieyaritsie ti'aitame, ne 'ana nepetia ti'aitame
 hetsia. 'Arike yapaimexia wiyari 'anuyeyaku,
 ti'aitame netsi'upitiaku,

7 nekanakunuani Kerutsareme, hiki 'ana
 nekatinetimani 'Eriyatsiwi ke'axamitiuyuriekai
 Tuwiyaxi muxatiaki kii Kakaiyari tukieya
 takwayaritsie 'uweme.

8 Mikiki waikawa nepuyeha'a kiita
 nepitiwayexiri naime Tuwiyaxi tipiiniteya.

9 Hikita nepitiuta'aitaxi kii mitiyaniki meta
 muwa mireutapiyaniki piinite mitipatsietika
 Kakaiyari tukieyata timieme, 'imikierite meta
 'ikwa.

10 Metatsiere yanepiretima kename rewitsixi

tita mitiwahetsiemieme mekateyetuiriyaɾiwakai,
meta kename rewitsixi meta kwikamete
memihiritiariakai tukita memite'uximayakaki
meheutayeixiakai yukwietsie.

11 'Ana nepiwarutati memanuyetei, mipai
nepitiwarutahiawixi: «¿Titayari Kakaiyari
tukieya yuxaita xete'uku'eiri?» Hiki nekani-
warukuxeirieni meta kememite'uximayakai
mipai nekatiniwaru'uitiani.

12 Yunaiti Kura kwieyaritsie kiekatari
kiita mitiwati'utswatsie mekateni'atiani
tamamatatsie mieme xeime memiteyetuaya,
tiriku, kaxie winuyari meta hatseiti.

13 Miki kiite mitiwati'utswa nekani-
waruhiritiani mawari wewiwamete Tseremiyaxi,
ti'utiwame Tsaruki, meta rewi tewiyari
Perahiyaxi, waparewiwame nekaniutahiawe
Kanhani Tsakuxi nu'aya Mataniyaxi teukarieya.
Miki yunaiti 'aixia mekateniu'iyarikaitini, meta
mikitsiere memitewatapitiwa mekanihikitikaitini.

14 «'Iki naime ketina'eriwani, nekakaiyari,
'aixia keneneyurieka, pepikaratitimaiani
ke'aixia nemitiuyuri 'atukitsie mieme meta
pamayexeiyarieka hetsiemieme».

15 'Ana mitiyehane Kura kwieyaritsie mipai
netiniuniere, xawatiki hipati kaxie takari
mekaniutiketsinakaitini, hipatita muratsixi
wahetsie mekateni'ikatatiwekaitini, tiriku
'anahiatikaime, kaxie winuyari, kaxie takari,
xapa takariyari meta naime tita miti'ikatsiwa
Kerutsareme mekatenetikikaitini. 'Ana
nekaniwarutatieni memitetuakaiki 'ikwaite miki
tukaritsie.

16 Metatsiere Tiru kiekatari Kerutsareme memititekai, kiekaritsie tsapari mekaniwa'atiwakaitini, huriyutsixi mekaniwa-tuiriekaitini xawatiki.

17 Hiki Kura kwieyaritsie kiekatari wahetsiemieme memanuyetei 'ukirawetsixi nekaniwarutatieni, mipai nekatiniwarutahiawe: «Xeme 'axaxekateniyurieka xawati kapatsiekame xemayeitiwaki.

18 Mipai mekateniuyurieni xe'ukiyarima meripaiti, 'ayumieme takakaiyari kataniniukwinitiani meta 'iki kiekari. ¿Kamitsi yaxeteha'eriwa tawarita 'Ixaheri hetsiemieme Kakaiyari miyeha'aniki xawati kapatsiekame xemayeitiwaki?»

19 Hiki nekatiniuta'aita Kerutsareme kitenieyaritetsie mireunamixianiki, xawati tukariyari kayutsutiawekaku, mepikateheuyepiwanikekai 'atsita 'uxa'ariekake. Metatsiere hipame meminete'uximayatsirie kitenie nepiwaru'uitiaxia nixeimetima 'ika memikapitiakaki meutahatiarieni.

20 Heiwa yati hutakia tetuayamete me'ayemiireti Kerutsareme warie mekaniukatariyarieni.

21 Mipai nekatiniwarutatieni: «Kuraru warie xepikayukuhayeikawani. Tawari xika mipai xe'uyini, ne nepixe'anutaxirieni». 'Anatiti mitiyehane tawariri xawatiki mepikaheukikinixia.

22 Hiki rewitsixi nekaniwaruta'aitiani memiyu'itieniki meta memitetahiniki kitenie, xawatiki patsiekame memayeitiakaki.

«'Iki naime ketina'eriwani, nekaka'iyari, meta waikawa pemi'ti'akanaki'erieki, kenenenenimayaka».

²³ 'Ana mitiyehane tsiere nepiretima hipati huriyutsixi 'ukari memiwaruwitikikai 'Atsiruri kiekatari, 'Amuni kiekatari meta Muhawi.

²⁴ Waniwema hixiapa me'ati 'Atsiruri niukiyariki mekaniutiniukakaitini meta yatini hipame waniukiki, huriyutsixi waniukiki mekaniuwaweti.

²⁵ Hiki nekaniwarutatieni yanekatini-warutahiawe 'axamemi'itarieniki, hipame nekaniwarutiwani, meta wakipate neka-niukahuna, meta waiyyarika nekaniwarupitiani yamemitiyuaniki Kaka'iyari hixie. Mipai nekatini-warutahiawe: «Yaxepikatenaki'erieka xeniwema 'ukari 'iya waniwema memiwawititiweni, meta xeme, meta xeniwema 'ukitsi, waniwema 'ukari mepikawawititiweni.

²⁶ ¿Xekatemate mipai yianeti Tsarumuni 'axakatiuyuri 'Ixaheri kwieyaritsie ti'aitame? Nixeime kwieyaritsie tawarita mipai 'aneti ti'aitame pika'anukake: Kaka'iyari pinaki'eriekai, ti'aitame peyitia 'Ixaheri kwieyaritsie. Peru miki 'iitamama 'ukarawetsixi 'ateewa kiekatari mekateniuyurieni Tsarumuni ke'axamitiuyuri.

²⁷ Xemeta tsiere mipai 'axaxekateniuyurieni xewawititiweti 'ukari 'ateewa kiekatari».

²⁸ Kuyara niwemama xewiti, mawari wewi-wamete tiwa'aitiwame 'Eriyatsiwi nu'aya, nepi-tani'a nehamatia mika'uyeikaniki Tsamiwarati huruni tewiyari mumunieyatikaiki.

²⁹ «Nekaka'iyari, keniwara'eriwani mawari

wewiwamete mekapatsietikame memayuyetitā
meta tīratu memiwewi mawari wewiwamete
meta rewitsixi tixaiti memikatehayetitā».

³⁰ Ne mīpai nekatiniwaru'itieni huriyutsixi tee-
wakiekatari nekaniwarayeni'ani, meta mawari
wewiwamete meta rewitsixi yanepitiwaru'uitia
kememite'uximayakai.

³¹ Metatsiere 'aixia nekatiniwaru'uitiani
kiyexi miyetuiwa hepaitsita kemi'ane
tukaritsie memiyetuayani, metatsiere matiari
timieme 'ikwaxi mitiyetuiwa hepaitsita 'aixia
nekatiniwaru'uitiani.

«Nekakaiyari, kenena'eriwani, 'aixia
keneneyurieka».

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3